



MÍÐVIKUDAGUR 18. SEPTEMBER 2013
16. TÖLUBLAÐ 1. ÁRGANGUR
DAGSKRÁRBLAÐ STÖÐVAR 2



FRÉTTIR STÖÐVAR 2

Fréttamenn kafa dýpra í ýmis mál í Íslandi í dag á mánudagskvöldum.



THE AMERICANS

Spennuþættir um hjón sem lifa tvöföldu lífi og eru útsendarar KGB.



HJÓRVAR HAFLIÐASON

Fjölbreyttari íþróttumfjöllun en nokkru sinni fyrr.



BRAGÐIÐ AF ÍSLANDI ER FERSKT

VALA MATT FÓR Í SÆLKERA FERÐ UM LANDIÐ OG SÝNIR AFRAKSTURINN Í NÝRRI ÞÁTTARÖÐ SEM HEFST Á MORGUN.

MYNDIR HELGARINNAR



THE WATCH Kl. 21.10 laugardag

Gegguð gamanmynd með Ben Stiller, Jonah Hill, Richard Ayoade og Vince Vaughn. Fjórir nágrannar í dauflegu úthverfi ákveða að stofna nágrannavörslu, aðallega til að geta komist út á kvöldin, en þeir hafa hver um sig sína ástæðu til að vilja sleppa út af heimili sínu á kvöldin, eða a.m.k. eitt kvöld í viku.

FAST FIVE Kl. 22.50 laugardag

Hörkuspennandi mynd með Vin Diesel, Paul Walker, Dwayne Johnson og Jordana Brewster í aðalhlutverkum. Þetta er fimmta myndin í spennumyndaflokknum Fast and the Furious og að margra mati sú allra besta.



10 BÍÓ Á STÖÐ 2 BÍÓ

Miðvikudagur

X-Men: First Class



Laugardagur

The Double



Fimmtudagur

Friends With Benefits



Sunnudagur

The Change- up



Föstudagur

The Fighter



Þriðjudagur

Pirates Of The Carib- bean: On Stranger Tides



Mánudagur

The Messenger

Stöð 2 Bíó fylgir frítt með áskrift að Stöð 2



Fréttastjórnir Breki Logason og Karen Kjartansdóttir segja spennandi vetur fram undan á fréttastofunni.

MYND/STEFÁN

SPENNANDI FRÉTTAVETUR FRAM UNÐAN

Fréttastofa Stöðvar 2 mun hafa umsjón með Íslandi í dag á mánudagskvöldum í vetur. Þar verður kafað dýpra í ýmis mál sem snerta fólkið í landinu.

FRÉTTIR Kl. 18.30 alla daga

Fréttastofa Stöðvar 2 siglir nú inn í enn einn veturinn en fréttastofan hefur sagt landsmönnum fréttir allt frá stofnun stöðvarinnar árið 1986. Fréttastofan er í nánú samstarfi við aðra fréttamiðla fyrirtækisins en hlutverk þessa hóps er fyrst og fremst að setja saman fréttatíma klukkan 18.30 öll kvöld vikunnar í opinni dagskrá.

„Við erum með mjög góða blöndu af fólki, bæði fólk sem er að stíga sín fyrstu skref og síðan þaulreynda blaða- og fréttamenn,“ segir Breki Logason, sem tók við stöðu fréttastjóra í byrjun sumars.

Breki segir spennandi vetur fram undan, sérstaklega í pólitíkinni, þar sem ný ríkisstjórn er að fara inn í sinn fyrsta vetur. „Fréttamaðurinn Höskuldur Kári Schram verður okkar maður í pólitíkinni. Hann mun vinna efni þvert á miðla auk þess sem hann verður með sinn eigin þátt á Vísi þar sem verður kafað ofan í pólitíkina.“

Breki segir Stöð 2 alltaf hafa sinnt landsbyggðinni vel og verður framhald á því í vetur.

„Við erum afar ánægð með hann Magnús Hlyn okkar sem hefur fyrir löngu stimplað sig inn sem einn ástsælasti fréttamaður þjóðarinnar. Þá mun Kristján Már Unnarsson, sem hefur starfað á Stöð 2 nánast frá upphafi, halda áfram að segja okkur fréttir af ferðum sínum um landið.“

Í vetur mun fréttastofan einnig sjá um Ísland í dag á mánudagskvöldum og mun varafréttastjórinn Karen Kjartansdóttir halda utan um þá dagskrá. „Þar fáum við meiri tíma en í fréttatímanum sjálfum og getum því kafað frekar ofan í málin. Við ætlum að bjóða upp á vel unnið, áhugavert efni og fjalla um mál-efni sem snerta fólkið í landinu. Fréttamenn okkar munu alfarið sjá um mánudagskvöldin en margir fréttamenn kvarta einmitt yfir því að hafa ekki nægan tíma. Þarna er tækifærið,“ segir Karen.

Breki segir mjög spennandi tíma fram undan. „Við höfum notað sumarið vel til að skipuleggja okkur og erum meðal annars orðin sýnileg á Facebook. Ég hvet landsmenn til að finna okkur þar til að missa ekki af okkur í vetur enda erum við þarna fyrir þá.“




NJÓSNARAR Í NÆSTA HÚSI

Þættirnir *The Americans* fjalla um hjón sem búa með börnum sínum í bandarísku úthverfi á níunda áratugnum. Enginn veit að þau eru í raun útsendarar sovésku leyniþjónustunnar KGB.

Söguvið *The Americans* er úthverfi Washington-borgar á níunda áratugnum. Kalda stríðið er í hámarki en hjónin Elizabeth (Keri Russell) og Philip Jennings (Matthew Rhys, þekktastur fyrir hlutverk sitt sem Kevin Walker í *Brothers and Sisters*) hafa í fimmtán ár lifað venjulegu lífi með börnum sínum tveimur. Engan, ekki einu sinni börn þeirra, grunar að þau eru í raun sovískir njósnarar sem vinna við að safna leynilegum upplýsingum um bandarísk stjórnvöld fyrir gamla heimaland sitt, Rússland. Þó þurfa þau að passa sig því í næsta húsi býr FBI-fulltrúinn Stan Beeman (Noah Emmerich).

Spennuþættirnir eru skrifaðir og framleiddir af fyrrverandi foringja í CIA, Joe Weisberg. Hann byggði handritið á gögnum úr eigu njósnarans Vasili Mitrokhin og viðtölum við

fyrirverandi samstarfsfélaga hans. Þættirnir fóru í loftið í Bandaríkjunum í janúar en þegar hefur verið ákveðið að leggja í aðra seríu.



Las sér til um njósnir

Keri Lynn Russell (fædd 1976) er bandarísk leikkona. Hún hóf ferilinn í Mickey Mouse-klúbb Disney með þeim Ryan Gosling, Christinu Aguilera, Britney Spears og Justin Timberlake. Fyrsta stóra hlutverkið fékk hún árið 1998 í þáttunum *Felicity*. Fyrir það hlaut Russell Golden Globe-verðlaun. Síðan þá hefur hún komið fram í nokkrum kvikmyndum.

Russell varð fljótt spennt fyrir hlutverki Elizabeth í *The Americans*. Í nýlegu viðtali sagði hún frá því hvernig hún bjó sig undir hlutverk njósnarans. „Ég las allt sem ég komst í sem tengdist njósnum,“ sagði Russell, sem las til dæmis ævisögu Vladímírs Pútín enda var hann innsti koppur í búri KGB.

THE AMERICANS
kl. 21.55 mánudaga



Með aðalhlutverk í myndinni fara Alex Williams, Rachel Griffiths og Anthony LaPaglia.

UMDEILDUR JULIAN ASSANGE

UNDERGROUND
Kl. 21.25 sunnudag

Underground: The Julian Assange Story er leikin áströlsk sjónvarpsmynd um Julian Assange, forsprakka Wikileaks. Í myndinni er sagt frá Assange á þeirri ferð sem gerði hann á endanum að einum umdeildasta manni heims.

Julian Assange fæddist í júlí 1971 í Townsville í Queensland í Ástralíu. Hann starfaði sem blaðamaður en stundaði tölvuhakk löngu áður en hann varð aðalritstjóri Wikileaks. Hann skrifaði bókina *Underground* árið 1997 ásamt dr. Suletta Dreyfus en mynd-

in er að einhverju leyti byggð á henni. Árið 1989 var Assange þekktur í undirheimum netsins undir heitinu Mendax en honum tókst að hakka sig inn í flóknustu öryggiskerfi heims. Þá þegar var hann farinn að ógna bandarískum stjórnvöldum. Assange var handtekinn í Lundúnum í desember 2010 vegna ásakana um kynferðisbrot í Svíþjóð. Honum var sleppt gegn hárrí tryggingu. Myndin var tekin í Melbourne en Robert Connolly skrifaði handrit. Hún var ekki gerð með samþykki Julians Assange né fjölskyldu hans en hefur fengið jákvæð viðbrögð frá henni.

SÖGULEGIR TÓNLEIKAR HJÁ BUBBA

Bubbi Morthens fær þekktu tónlistarmenn í heimsókn og kynnir áhorfendum fyrir sjávarútvegi í nýjum þætti. Í næsta þætti mun hann flytja Ísbjarnarblús í fyrsta sinn í heild sinni með rokkhljómsveit.

BEINT FRÁ MESSA
kl. 19.45 laugardaga

Þátturinn *Beint frá messa* með Bubba Morthens hóf göngu sína síðasta laugardag á Stöð 2 við góðar undirtektir. Þátturinn skartar nokkrum af frægustu tónlistarmönnum þjóðarinnar sem spila um borð í ólíkum skipum auk þess sem íslenskur sjávarútvegur er kynntur fyrir landsmönnum. Bubbi segir hugmyndina að þættinum hafa þróast út frá því að taka tónlistarmenn út úr þægindarammanum og setja þá í óvenjulegar aðstæður. „Þannig skapast oft aðrar áherslur við tónlistarflutninginn. Um leið fannst mér góð hugmynd að sýna almenningi hvernig togarar líta út en margir Íslendingar hafa ekki hugmynd um það. Mörg þessara skipa veiða fisk fyrir gríðarlega háar upphæðir þannig að ég vildi líka sýna áhorfendum að það er hold og blóð á bak við hvern einasta fisk sem veiðist.“

Í fyrsta þættinum flutti Bubbi sjálfa Stuðmenn til Eskifjarðar þar sem þeir spiluðu um borð í togaranum Aðalsteini Jónssyni. Síðar í vetur sjáum við hann meðal annars draga Papa og Gylfa Ægisson til Neskaupsstaðar þar sem þeir tala lagið um borð í skuttogara og Mugison tekur nokkur lög um borð í varðskipi. „Í næsta þætti mun ég hins vegar flytja fyrstu plötu mína Ísbjarnarblús ásamt rokkhljóms-



Bubbi Morthens stýrir nýjum þætti á Stöð 2 í haust.

sveit í heilu lagi um borð í Goðafossi sem er flaggskip íslenska kaupskipaflotans. Það er rosaleg tilfinning að vera um borð í svo stóru skipi, þetta er eins og að spila í Turninum í Kópavogi. Ég hef aldrei spilað hana alla í einu lagi með rokkhljómsveit þótt ég hafi spilað eitt og eitt lag með ýmsum hljómsveitum og svo auðvitað tekið ýmis lög af henni á kassagítar.“

Sjálfum finnst honum frumburður sinn hafa elst nokkuð

vel en 33 ár eru liðin síðan hún var gefin út. „Ég mundi segja að svona 90% plötunnar væru gargandi snilld, það er bara þannig. Sjálfur held ég enn upp á mörg laganna en þó mest upp á Hrognin eru að koma. Mér finnst enn einhver ótrúlegur galdur í því lagi og þykir enn óskaplega vænt um það.“ Meðal annarra þekktra laga af plötunni má nefna Ísbjarnarblús, MB. Rosinn, Jón pönkari og svo auðvitað Stál og hnífur.

Ný upplifun í stofunni þinni

Með UPPLEVA línunni og BESTÅ hirslum sameinar þú sjónvarp, hljóðkerfi og húsgagn. Útkoman er heildarlausn sem gerir stofuna stílhreinni með földum snúrum, þráðlausu bassaboxi og öllu er stjórnað með einni fjarstýringu. Upplifðu UPPLEVA í versluninni og kynntu þér tæknina á www.IKEA.is

109.900,-

UPPLEVA 40" snjallsjónvarp

321.400,-

BESTÅ samsetning m/40" UPPLEVA snjallsjónvarpi og 2.1 hljóðkerfi

5

ára
ÁBYRGÐ

UPPLEVA snjallsjónvörpum og hljóðkerfum fylgir 5 ára ábyrgð án aukakostnaðar



Ver slun opin **11-20** alla daga - Veitingastaður opin 9:30-19:30 - www.IKEA.is





ALLIR GETA TEKIÐ ÞÁTT

Stöð 2 leitar nú að hæfileikaríku fólki til að spreyta sig í stærstu hæfileikakeppni heims.

Allir geta tekið þátt, einstaklingar, pör, tríó og hópar og má fólk keppa með hvaða atriði sem er; söng, dans, uppstand, tónlist, íþróttir, áhættuatríði, töfrabroð eða sirkusatriði – hvað sem er. Verðlaunin er ekki af verri endanum; 10 milljónir fyrir siguratriðið.

Bubbi Morthens, Þórunn Antonía Magnúsdóttir, Jón Jónsson og Þorgerður Katrín Gunnarsdóttir skipa dómnefndina í Ísland got talent og leggja nú land undir fót í leit að þátttakendum, með Auðun Blöndal í broddi fylkingar.

Skráning er þegar hafin á stod2.is/talent og hefjast fyrstu prufurnar þann 30. september.

Selfoss	30. september	Ísafjörður	4. október
Borgarnes	1. október	Húsavík	4. október
Höfn í Hornafirði	1. október	Sauðárkrókur	5. október
Stykkishólmur	2. október	Akureyri	6. október
Neskaupstaður	2. október	Vestmannaeyjar	8. október
Patreksfjörður	3. október	Reykjavík	12. og
Egilsstaðir	3. október		13. október

Hugleikur fyrsti aðalgestur Loga

LOGI Í BEINNI.
FÖSTUDAG
Kl. 20.20

Logi Bergmann Eiðsson mætir aftur á skjáinn með Loga í beinni á föstudag. Listamaðurinn Hugleikur Dagsson verður fyrsti aðalgestur þáttarins. Logi er sannfærður um að hann komi til með að skemmta áhorfendum.

„Mér finnst Hugleikur óvenjulegur, fyndinn og skemmtilega óviðeigandi. Hann er um þessar mundir með nýja teiknimyndabætti á RÚV og svo hefur hann verið að túra með uppstandið sitt, sem er algerlega frábært,“ segir Logi.

Hann segir Hugleikur koma til með að vera með brot úr uppstandinu í þættinum en stefnt er að því að uppstand fái aukid vægi í vetur. „Ef vel tekst til verður þátturinn heimavöllur uppstandsins.“

En hefur þú engar áhyggjur af því að Hugleikur slái þig út af laginu? „Nei, ekki miklar. Hann kom til mín í Spurningabombuna og var mjög skemmtilegur. En við sjáum til. Ég hlakka að minnsta kosti til að tala við hann.“

Logi í beinni verður á dagskrá Stöðvar 2 fram að áramótum. Spurningabomban tekur svo við fram á vor.



SÆLKERAFERÐIN HEFST Á HÚSAVIK

Sælkeriferð lífskústnersins Völu Matt hefst í náttúruparadísinni Húsavík. Hún nýtur matar og lífs á Pallinum með hjónunum Þóru Sigurðardóttir og Snæ. Völu dreymir um að hanna og reka eigið veitingahús í sveit.

SÆLKERAFERÐIN
Kl. 20.05 fimmtudaga



„Það óvæntasta sem ég lagði mér til munns í sælkeriferðinni var glas af spenvolgri mjólk úr kú sem ég mjólkaði sjálf í Vogafjösi við Mývatn. Ég var búin að ákveða að mjólkinn hlyti að vera vond, heit og velgjuleg en hún reyndist vera alveg dýrindis góð. Að vísu þótti mér hún betri kæld og sá mjólkursopi var allsendis ólíkur því sem maður drekkur úr fernu og alveg dásamlega góður,“ segir Vala Matt, reynslunni ríkari eftir sælkerarúnt sinn umhverfis Ísland.

„Bragðið af Íslandi er ferskt, hreint og gómsætt. Að mínu mati er Ísland eitt af fimm bestu matarmenningarlöndum heims og ég ýki í engu þegar ég fullyrði að í minnstu sjávarþorpum og á ólíklegustu stöðum eru veitingahús á pari við fjögurra Michelin-stjörnu veitingahús ytra. Ástæðan er hræfnið og einfaldleiki í matseld í samstarfi við náttúruna.“

Vala segir íslenskt sælkerældhús laða til sín matarunnendur hvaðanæva að.

„Í fyrrasumar varð Rockefeller gamli áttæður

og hefur um dagana borðað á Ritz og öllum dýrustu Michelin-stöðum heims. Hann valdi mjólk af spena og taðreykt hangikjöt í Vogafjösi þegar hann valdi sér nýja bragðupplifun og í eftirrétt hefur hann kannski fengið heimagerðan ís með rúgbrauðsmylsnu eins og ég smakkaði og var ofboðslega góður í munn og maga.“

Áhorfendur hefja sælkeriferð Völu á Pallinum á Húsavík þar sem hjónin Þóra Sigurðardóttir og Völlí Snær hafa undanfarin tvö sumur rekið sérstæðan veitingastað í tjaldi.

„Við kynnumst þessum ævintýralega stað í draumkenndu veðri og umhverfi og borðum dýrindis rétti. Síðan vindum við okkur í sælgætisát á Hótel Borg þar sem Völlí var í sumar því þau Þóra skiptu liði,“ útskýrir Vala.

Með þáttunum situr eftir ferðalag um Ísland, faldar sælkeraperlur og matargerð sem áhorfendur geta endurtekið heima.



Enski boltinn verður flaggskip stöðvarinnar í vetur að sögn Hjörvars Hafliðasonar, dagskrárstjóra Stöðvar 2 Sports.

MYND/VILHELM

N VÍK

savík þar sem
ttur og Völla

„Sjálfr er ég búin að prófa rétt frá Drangnesi þar sem ég lærði að steikja skötusel vafinn í beikon og með rjómasósu. Hann tók þrjár mínútur að elda og var geggjaður með glænýjum kartöflum. Hvar sem ég fór var lygilegt að fá spriklandi fisk upp á diskinn og finna hjarta landsins slá í gegnum fiskinn, lambið og lífrænt ræktaða grænmetið sem er engu öðru líkt.“

Vala, sem er bæði arkitekt og innanhússarkitekt, segir matargerð og matarmenningu samofna arkitektúr.

„Ég heimsæki og spjalla við skemmtilegt fólk og arkitektinn í mér vildi endilega skoða oft og tíðum einstaklega falleg húsnæði sem hýsa sælkeraperlurnar. Það hefur svo verið draumur minn í áraraðir að hanna lítið kaffihús eða veitingastað og reka það sjálf, helst úti á landi. Það verður kannski hugmynd að öðrum þætti; þegar ég vinn úr reynslu minni úr sælkeriferðinni,“ segir Vala og hlær sínum dillandi hlátri.

GLÆSILEG ÍPRÓTTADAGSKRÁ Í VETUR

Ípróttaumfjöllun Stöðvar 2 hefur aldrei verið meiri og fjölbreyttari en í vetur. Enski boltinn, Meistaradeildin, handbolti og körfubolti verða meðal stærstu greina vetrarins. Stór hópur sérfræðinga mun aðstoða ípróttufréttamenn stöðvarinnar.

Ípróttadagskrá vetrarins á Stöð 2 verður óvenju glæsileg í vetur. Eins og síðasta vetur verður enski boltinn flaggskip stöðvarinnar en um 380 leikir verða sýndir í beinni útsendingu í vetur. Engin sjónvarpsstöð í heiminum sýnir jafn marga leiki frá ensku deildinni en auk þeirra verður Messan vikulega á mánudagskvöldum. Þar munu ípróttufréttamenn fara yfir leiki helgarinnar í enska boltanum ásamt sérfræðingum. Hjörvar Hafliðason, dagskrárstjóri Stöðvar 2 Sports, segir að enn verði aukin þjónusta við áskrifendur í vetur þegar kemur að enska boltanum. „Nú ætlum við að líma dagskrána enn betur saman á laugar-dögum þannig að áhorfendur fái öll mörkin í æð eftir leikina sem byrja kl. 14. Þá sýnum við öll mörkin úr leikjunum og bestu tilþrífir en við höfum ekki boðið upp á þessa þjónustu áður.“

Auk enska boltans mun Meistaradeildin skipa stórt hlutverk í vetur en hún hefst um miðjan september.

„Meistaradeildin verður stærri og glæsilegri en áður. Við munum fylgjast sérstaklega vel með Íslendingunum þremur sem keppa þar, Ragnari Sigurðarsyni og Rúrik Gíslasyni hjá FCK frá Danmörku og Kolbeini Sigbórssyni hjá Ajax.“

Meiri körfubolti

Íslenski körfuboltinn og NBA-deildin verða á sínum stað að sögn Hjörvars en þó veigameiri en síðasta vetur. „Við munum sýna fjölda leikja frá íslensku deildarkeppninni í vetur og fleiri leiki frá úrslitakeppni karla og kvenna en í fyrra. NBA-deildin hefst svo í október og við setjum strax tóninn með fyrsta leik sem er stórleikur meistara Miami

Heat og Chicago Bulls. Úrslitakeppninni í NBA mun síðan verða gerð góð skil næsta vor.“

Þýski handboltinn fær einnig veglegan sess í dagskránni eins og fyrri ár. „Margir af bestu leikmönnum og þjálfurum þýsku deildarinnar eru Íslendingar þannig að þýski handboltinn verður eðlilega eitt af flaggskipum okkar næsta vetur.“

Ípróttir barna í vetur


Guðjón Guðmundsson ípróttufréttamaður hefur slegið í gegn í sumar með umfjöllunum sínum um ípróttamót barna og unglinga. „Við munum halda þeim umfjöllunum áfram enda vöktu þær mikla athygli og gleði barna og unglinga um land allt. Stefnan er sett á enn frekari umfjöllun af þessu tagi í vetur úr ólíkum ípróttagreinum.“



Stöð 3 er ný sjónvarpsstöð

Kostar aðeins 2.990 kr. á mánuði

Gerðu verðsamanburð

Stöð 3 + krakkar +  = **2.990** kr. á mánuði

Skjár 1 = **4.990** kr. á mánuði

Bestu
gamanþættirnir
eru á Stöð 3

X Factor
fimmtudaga og
föstudaga

FYLGIR

áskrift
að Stöð 2

Krakkarásin
fylgir með

Tryggðu þér áskrift og fáðu allar nánari upplýsingar á

www.stod3.is